

西安左衛指揮僉事楊宏為署都指揮僉事守備固原初改
守備為備禦至是仍改守備

戊子太原地震

已丑四川布政司左叅議張宦與順慶知府張賢不相能各
勒免

庚寅寧夏大沙井駟草燬十四萬三千束詔逮前巡撫右僉
都御史劉憲下鎮撫司

鎮守甘肅太監鄧玉徵還南京閑住以都知監太監楊定鎮
甘肅

辛卯翰林院庶吉士閔楷服闋授禮科給事中

國權

正德三年戊辰

正月癸卯武清伯朱潔卒子本嗣

丁未 上南郊

涇陽天鼓鳴

辛亥大計外官同知以下加擬惟布按知府行太僕苑馬寺

鹽運司官六十人具實蹟以聞乃允之附批翰林學士吳儼

帷幙不修令致任予告御史楊南金詐疾削籍餘乞假遠限


國權

正德三年

一

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



十月皆如南金例逆瑾以儼富需之不應劉宇嘗撻南金遂引疾故皆得罪聞者異之

戊午刑部左侍郎王鑑之為南京右都御史

已未戶部右侍郎王瓊為吏部左侍郎瓊賂瑾越三推得之平涼地震聲如雷

庚申兵部上武舉條格明年夏四月開科初騎射次步射次策論蓋議先帝迄今而憐

逮山西布政司經歷李夢陽下獄逆瑾欲死之夢陽與脩撰康海友善瑾重海之才不屈海救夢陽特為請得釋而海竟

坐是敗名

前南京工部尚書侯璫卒雄縣人景泰五年進士授戶部主事歷撫甘肅假赤斤蒙古之兵復哈密刺木八城進兵部右侍郎至今官致仕年八十一子觀進士亦尚書

癸亥編修豐熙為侍講


釋戶部左侍郎王儼獄仍致仕儼奉命暫理宣大糧芻非專職故輕宥

甲子巡撫雲南吳文為戶部右侍郎南京大理寺卿韓邦問為刑部左侍郎

國權

正德三年

二



丙寅前南京工部尚書胡拱辰卒淳安人正統己未進士令

黔縣擢御史言事剴切進左叅政歷勦川廣貴州叛夷

好興利除害七旬懸車年九十二贈太子少傅謚莊懿

戊辰湖廣左布政使顧源為右副都御史巡撫雲南

初巡撫四川劉纓巡按御史楊璋及叅政吳彥華副使張賈

叅議郭祥鵬議開巫山入夔之間道纓等俱去任彥華槩任

之詔罷役御史王璟復以請責纓等違旨逮之纓奪俸六月

祥鵬降金華璋免官

二月己巳朔巡撫湖廣右僉都御史劉纓為南京大理寺卿

光祿寺丞趙松歸省踰限奪俸三月己有旨引疾踰歲勒免

辛未兵科給事中王廷相宅憂不赴部領符謫亳州判官

傳陞錦衣千戶張寰指揮僉事冠帶舍人王德馬釗姚文朱

福百戶釗已任百戶時授其兄鉞悞作釗有旨改鉞釗俱


太監馬永成舍人也

壬申大名知府石祿加山東右叅政時行有司募納義官承

吏祿輸工部二萬餘金故風示天下

癸酉河南左布政使張子麟為右副都御史巡撫湖廣

甲戌大學士王鏊署詹事府事吏部尚書兼學士梁儲主試



禮闈

丙子刑部尚書屠勳致仕加太子太保給粟役

中旨尚衣監太監趙榮鎮守湖廣

戊寅南京祭酒章懋已疾去需召至是予致仕

吏部推台州知府等二十六人皆允之惟夔州改推二人且

命中外五品上繁陪推逆瑾約更類此自後或用其副或連

用播弄莫測

四月道御史吳學稱疾逾限八月吏部擬致仕特削籍

辛巳南京右都御史王鑑之為刑部尚書出中旨蓋鑑之擠

屠勳不由部推也

賜外戚沈傳吳讓靜海閑田六千五百四十餘頃

大風霾

甲申戶部左侍郎王佐為南京戶部尚書

閉浙江溫處銀礦令布政使別項歲輸二萬金

中旨神機營左哨并奮武營御用監太監吳軻調神機營把

總後掖三司御馬監太監張景昌代軻尚衣監太監杜甫代


景昌

乙酉南京刑部員外郎劉演疾逾赴官勒致仕

國權

正德三年

四



前巡撫大同都御史周南督糧戶部郎中孫祿以儲腐下錦衣獄

丙戌工部右侍郎張泰為南京右都御史

戊子右僉都御史韓福為戶部左侍郎

故甘肅副總兵官都指揮同知魯麟右府都督僉事特予

祭塋

曉刻月犯心宿夜月犯天江星

己丑大同大風晦三日平下衛草場災

庚寅光祿寺丞趙松為少卿松因違限厚賂瑾

傳陞錦衣衛舍人谷大寬等副千戶大洪大原勇士黃質等俱百戶

辛卯黃霧四塞隨雨土霾

壬辰南京工部右侍郎俞俊改工部右侍郎俊首賂劉瑾歲三遷


禮闈放榜考官入朝焚至公堂延燬會錄板遺卷先是熒惑守文昌禮部尚書劉機待罪宥之

癸巳提督騰黃右通政張綸為右僉都御史

安南國王黎誼入貢

國權 正德三年

五



丙申南京右僉都御史張恕為南京工部右侍郎
伊府儀賓龐進輔請採盧氏永寧宜陽嵩縣之礦戶部持不
可 上命監司同進輔覈之

前南京刑部主事陳言以弘治末察處致仕奏辦復官兵部
員外郎董俊援言例奏辦仍罷言言屢懇杖三十戍邊

固原鞏昌階州地震

三月戊戌朔傳陞勳衛張宗說為錦衣衛都指揮使

鞏昌階州地連震

庚子封祐楨襄王祐楹崇王祐權徽王銓鉦藩世子譽榮岷

世子安襄上洛王台豪壽陽王誠敬保安王秉榛沂陽王奇

汝寧河王健樸安邱王當涵鉅野王

中書舍人陰盈起復進士陳璋陳定之引疾俱違限盈謫晉

州判官璋定之勒致仕


辛丑予告南京右副都御史雍泰仍提督操江

壬寅武昌知府陳晦擢江西布政使左叅政

脩會稽孝女曹娥廟

乙巳楚府縉雲王榮淋薨謚懷僖

丙午前巡撫雲南右副都御史林元甫卒莆田人成化乙未



進士授工科給事中數言事歷山東左叅政德王欲厚塋妃
堅阻之居官三十餘年家無餘貲

丁未岷王彥汰乞故雍王府徙其居不許

己酉南京戶部尚書周經服滿補起禮部尚書

庚戌贈劉榮瑾之父為後府都督同知瑾本浚姓冒劉氏自

稱賜姓

辛亥吳傑嗣清平伯琮庶子

諭吏部嚴斥貪吏旌廉能初鄒平人孫淮言貪吏雖罷黜以
財請寄仍復官賄賂公行此大弊也乞遵高皇帝之法革

故鼎新天下可理故有是命

壬子策貢士邵銳等三百四十九人于奉天殿賜呂柟景暘

戴大賓等進士有差


歸安南使臣阮詮等之喪時卒于龍州

甲寅陝西行太僕寺丞陳璣為總兵曹雄訐奏下詔獄事白

結逆瑾改太僕寺丞

總督蘇松糧儲都御史羅鑒請符驗命覈符驗自成化七年
都御史滕昭始謂非制止之

冠帶舍人廖鵬奏過祥符擒盜授錦衣百戶濫賞冒功鵬之



惡始稔

乙卯太監劉瑾請歲遣科道覈各邊芻粟馬匹許之時上
寓豹房瑾擅威柄朝事俱先稟決大臣唯覈儲之命邊城
震駭道路以目

丙辰兵部左侍郎文貴兼左副都御史提督宣大延綏軍務
時卜牧塞下不退


戊午械致巡撫遼東都御史張昂馬中錫鄧璋分守叅政冒
政叅議方矩管糧郎中劉繹王蓋知州趙瑾章英于遼巡撫
大同都御史周南管糧郎中孫祿于大同各追宿儲旱仍赴

鎮撫司以聞

中旨分守宣府萬全都司御馬監太監宋彬調鎮甘肅守備
黃花鎮都知監左監丞張昂代彬御馬監左監丞范祺代昂
己未太僕少卿劉璣為太常寺卿提督四夷館劉瑾以鄉故
援自外郡歲輒再遷

逮永平管糧戶部郎中劉乾及知縣郭議通判田泰指揮李
英下鎮撫司以灤陽駟草場火乾請別委觸瑾怒

壬戌增鄉試解額陝西三十五人河南山東十五人山西二
十五人劉瑾焦芳之鄉諷兵科給事中趙鐸奏之又增四川



併入會試南卷餘入北卷各百五十人著為令

十人

癸亥進士呂柟授脩撰景暘戴大賓編脩二甲三甲首焦黃
中胡纘宗檢討故事昂甲即授官餘選庶常越三年學成二
甲授編脩三甲授檢討而焦芳欲魁其子黃中對策劣甚猶
高等試錄刻黃中纘宗策時制大變

祀宋臣陳瓚陳文龍子興化從福建左叅政熊達大理評事
徐元稔之請

行人劉瓚治鎮平王之喪入朝愆期謫桐鄉縣丞
故綏德衛署正千戶趙福殉子宗漢超署指揮僉事仍食

正千戶俸

甲子戶部左侍郎兼左副都御史韓福整理湖廣糧儲請開
納從之

乙丑大雨雹

丙寅郭勛嗣武定侯


郭良之子

招撫肅州叛番且卜苦等還居沙州

前景州判官張蘭下鎮撫獄蘭父瑾副都御史乞祭塋合例

逆瑾矯旨責其瀆

四月己巳太僕少卿公勉仁謫江南都轉益運司同知福建布



政司左叅政熊達謫夔州知州府御史李璽謫鄧州判官俱
勘罪不當也

朔州馬邑地震如雷

辛未涇州大雨雹溺民居菽麥

甲戌初戶部請各邊年例銀有旨軍屯民運邊有成則復輸
銀何也且開中引益恐致漁費其議之于是議令鎮巡官覈
士馬行開納事例罷年例銀

薛應旂曰逆豎猶知年例之為害邊牆之無益恐不可以
人而廢言也


甘肅太監鄧玉等請開茶鹽濟餉不允

乙亥右副都御史曹鳳赴官緩勒致仕

開甯武爵贖罪諸生入監度僧道例提督宣大侍郎文貴經
略邊關墩堡計費五十萬金故有此請又借太倉銀三十萬
同寺銀十萬俟後償銀未出京入瑾之門殆四之一矣貴迎
瑾意毀古墩堡更築之內造箭窠砲眼以制下實無裨于用
下殺掠人畜無誰何者

昏刻月犯軒轅右角星

丙子賜大同總兵署總督僉事溫恭蟒衣一襲初勲臣出鎮



間賜蟒其後邊帥黃乞不勝其濫

丁丑南京國子司業羅欽順送親踰限削籍停司業不補

逮摠制陝西右都御史楊一清布政使率糧右叅政李思明


安惟學以給事中安奎御史張或覈邊儲虧耗也

旌魯府鎮國將軍楊鉞妻周氏貞烈年二十一殉楊鉞特許
祔塋

戊寅太監常霖覈餉兩廣括庫金輸京師蓋瑾欲搜遺利外
帑多誣

中旨都知監左監丞高柰守脩永平太平寨青山營

已卯前太子太保吏部尚書王恕卒字宗貫三原人正統戊
辰進士授大理評事歷左寺副疏失刑六事出守揚州濟飢
自江西河南左右布政轉撫南陽諸郡流民平襄陽盜以左
副都御史撫河南遷南京刑部左侍郎起服改刑部又南京
戶部改撫雲南鎮聞錢能不法沒其下金寶疏二十上名震
天下進右都御史改南京又南京兵部尚書改撫江南拯蘇
松之災劾中官王敬千戶王臣復兵部南京以直免 孝宗
首召進吏部諫傳陞止內批遇事輒論不合則去方嚴偉特
樹望四十年完名終始篤老好學年九十三贈太師謚端毅



子承裕戶部尚書

何喬遠曰王公立朝有繫安危治亂者五十年退以耆宿高天下者又凡二十年王公既沒名在士大夫間不衰以擬韓范兩司馬然在當時猶有漁色之訊用是知士行之難也

庚辰南京吏科給事中陳伯獻守制踰限削籍

給總督浙江備倭錦衣衛都指揮僉事魏文禮符幟兵科都給事中趙鐸等言其非制不聽

辛巳巡按陝西御史張或清寧夏屯地增四千四百餘頃遷

戶部主事治也

壬午應天府尹沈銳為南京刑部右侍郎

甲申南京右副都御史戈瑄改北院

朱本嗣武進伯潔之子


夜月犯南斗杓第二星

乙酉隴西雨雹尺餘傷稼畜

丙戌吏科右給事中邱俊覈餉延綏引疾繳勅及勘之復求入朝勒致仕

丁亥曉刻月犯羅堰中星

國權 正德三年




已丑罰致仕署大理寺事工部尚書楊守隨粟千石輸邊初
河南人賈斌同從兄凱謀殺從弟澤論死隨駁其重巡按守
御史房瀛改擬杖中旨從初擬瑾怨守隨曰中之併逮瀛奪
俸五月少卿王鼎謫 知縣評事林富謫 縣丞魏納
附瑾遙通政司叅議置不問
昏星刻火星犯右執法
庚寅脩貴溪上清宮自弘治八年燬正乙嗣教真人張彥顯
累請 先帝命侯寧益二王府脩訖至是并責府第悞工者
辛卯武舉安國等六十人宴中府

中旨御馬監太監谷大同提督勇士旗軍太監楊春同都指
揮夏明等理勇士營太監李堂同都指揮田中等理四衛軍
營事務

壬辰四川左布政使李善為南京右副都御史善以瑾鄉人
再推得之

哈密使臣寫亦虎仙入貢不偕通事皮俊等自投邊牒于鴻
臚寺大通事王永請究其奸寫亦虎仙奏永凌索禮部言宜
懷輯毋生其心時永供奉豹房恃寵橫恣詔戒永而寫亦虎
仙以奸夷結諸番啟衅至是入京



癸巳吏部推鳳翔同知翟敬為四川按察僉事切責其私敬故翰林檢討坐親藩累落職尋起官時允落職謫戍者皆不得狗用

徙榮河湯王廟于湯原里距縣北七里前廟縣北四十里卑陋太常寺卿喬宇議遷

守備龍門所都知監右少監孟山請改銜分守從之

乙未增御藥庫房 上嬖伶官臧賢特允之

旌慶府安化王賓鐸母妃楊氏貞節故恭和王遠墜薨楊絕粒七日死賓鐸以聞


丙申寧王宸濠乞追獎先德命諭祭其先王

丁酉前巡撫江西右副都御史張本卒錢塘人成化乙未進士授南兵部主事歷守襄陽青州吉安著能聲及撫江西玩盜見劾名大損

五月戊戌朔寧王宸濠求入謝禮部議不許

庚子刑部主事宋冕下獄謫金谿知縣時守衛官失其銅章擬軍罪不及官忤瑾

壬寅下吏科給事中安奎御史張或于錦衣獄以覈餉寧夏糾慶陽同知趙楫及指揮丁廣等百三十餘人俱追拷并責



戶部尚書顧佐等尸位狗情令具奏

乙巳金星晝見于申三日滅

庚戌伊王諶錡薨年五十四謚曰定

辛亥吏部左侍郎王瓊調南京瑾薄其謝也郎中趙鶴已遷
知府降為高州同知員外郎李瓚已遷通政司叅議降饒州
通判

蜀王賓瀚謚曰昭

壬子戶部右侍郎吳文度為左侍郎太常寺卿劉璣為戶部
右侍郎

貴州赤水衛火

裁雲南寧州流官知州流官自弘治十六年始


乙卯秦州禮縣天鼓鳴如雷

進知州譚綬秦志雷爵通判謝汝賜晁必登為府同知知縣
張元春等為知州故事守令缺補至推是雙推請旨蓋雖細
政瑾必預聞之而後可遂其漁獵也

丁巳巡撫陝西右副都御史柴昇為吏部右侍郎

通政司右叅議任良弼封奏不謹謫建昌通判

復萬全都指揮僉事張澄有斬獲功未及陞子輔例寵者指揮



使陞署都指揮僉事

甲子中旨御用監太監郭通鑑守金齒騰衝

平江伯陳熊提兵提督漕運兼鎮守淮揚

昏刻土星犯靈臺上星

前巡撫寧夏右副都御史王恂卒曹縣人成化己丑進士令

太康信陽擢御史寬厚質朴無大建白子崇仁崇文崇獻皆

甲科獻亦都御史


乙丑兵部左侍郎文貴防宣府右侍郎曹元治舡通州議暫
增侍郎從之

丙寅劉瑾奏弘治十五年至正德三年各邊年例若干遣科
道分覈從之并覈折色鈔布益各項共五百十三萬四千五
百七十餘金

六月丁卯朔山西左布政使胡瑞為右副都御史巡撫甘肅

戊辰御史陳玉刷卷舉劾各官瑾矯旨謂不別功罪謫湖廣
布政使照磨

己巳錦衣衛指揮余賓直點科道工科都給事中許天錫不
至詢之朔日自經瑾好羅織人不自保或曰瑾惡天錫挾內
庫潛遣人殺之血流被面



御史朱襄巡按雲南叅洱海衛指揮章表等侵帑詔罪狀未
明謫嘉善縣丞

兵科都給事中潘希曾御史劉子厲覈餉貴州湖廣勅施州
衛千戶蔣廷玉舒良臣等受賕斲法詔責希曾子厲條對未
悉鎮下鎮撫司逮湖廣巡撫右副都御史湯全督糧右叅議
華福管屯副使金獻民劉遜都指揮僉事張墳及廷玉良臣
俱逮入京師其時全已致仕華福金獻民已遷任命即其家
捕之

益王祐檣乞歲自遣官祭生母德妃張氏于金山以非制書


慰之

庚午兵部右侍郎曹元為左侍郎南京大理寺卿劉纓為右
侍郎

故太保禮部尚書胡濙孫頤廕中書舍人

尚衣監太監秦文奏內庫所貯蟒龍斗牛飛魚麒麟獅子等
服俱織于天順間且盡宜派造浙直遂命織紵紗羅萬七
千四百餘匹蓋先朝賞服甚靳自瑾用事偉瑤濫賞亡美民
力不堪矣

辛未御史閻潔為山東按察司提學副使潔乏文譽以中官



奴壻又瑾鄉人試諸生檢故牘填名試童生擇長篇錄之于校閱矇如也

戶部郎中劉乾張諾主事時理餉紫荆關以虧腐繫郡獄償如其額

壬申何紹正師夔李鐸鄭裕盧綸李陽春王鑾張龍吳玉榮沈炤李淳許瀚于聰李憲王煥屈銓俞泰唐錦為給事中

癸酉起復太常少卿靳貴


械給事中安奎御史張或垂死莫敢抹大學士李東陽言盛釋暑輕繫宜宥奎或全朝廷待士之體始獲釋削籍

甲戌順天府尹胡富為南京大理寺卿勒南京光祿寺卿張宥致仕賓年七十時陪推

太僕少卿劉聰督理京營及宣府居庸密雲古北口永平山海等馬政

戊寅刑部左侍郎韓邦問滿六年考進尚書致仕雲南左布政使熊祿為南京光祿寺卿

故都督同知李文仍贈高陽伯文以舍人立戰功至右都督封伯後失事降都督僉事進同知孫珣訟其功求爵謚部議贈爵餘已之



庚辰李旻嗣豐城侯

李璽之廢長子

南南京刑部右侍郎劉憲卒于獄字廷式益陽人成化戊戌進士官知縣擢御史摠閱章奏頗有聲進大理寺丞經略邊務募兵數千人虛糜無用正德二年巡撫寧夏大沙井駙草場火陞南部以給事中閱邊劾憲欺隱下錦衣獄責償情罪不相麗聞者寬之

壬午設神木千戶所于朝陽崇文門外

勒右副御史都周季麟江西按察副使何琛陳恪福建藍運司同知錢承德紹興知府劉麟削籍御史姚壽謫鄧州判官


李璽謫

駙丞季麟巡撫順天密雲人李成奪軍餘王信

魚忽詒信怒擊妻死成愬于衛官李琮信惧捕自溺承德時任兵備副使以成從子順助詒論死琛代承德擬如初麟以刑部員外郎錄囚壽恪璽遞按部不之問至是順愬上成成通州季麟等俱獲罪

癸未巡撫陝西右副都御史為刑部左侍郎

籍南康人吳登顯等家太家各大用領西廠緹校四出刺事登顯等狗午日競渡之習緹校以龍舟禍之自是民間見鮮衣怒馬作都下語斂跡相告長吏密賂或亡賴子奸噶售利



天下皆重足屏息矣


故復磨人申錡華陽王初成化嘗坐鎮國將軍申鈿許奏禡至是子賓鈺嗣求封卹贈而不謚

乙酉發內庫成化錢給密雲後衝官俸

丙戌鎮守河南太監廖堂薦各官擬某陞某調吏部多徇之吏科給事中何紹正等劾堂雖奉旨察訪賢否注遷付之吏部何擅為上是之責堂自陳其所薦下巡按御史核寔戊子山西巡撫徐節削籍罰粟三百石輸大同節前任廣東布政使麥盜見劾

已丑前左都御史張敷華卒字公實安福人天順甲申進士授兵部主事歷郎中遷浙江右叅議撫溫處礦盜數千人弘治初至湖廣左布政荆王脅守臣以蘄州為邸第獨不署奏巡撫山西太原轉大用之餉仍運米改陝西計擒叛僧擢南京兵部右侍郎進右都御史總漕盡絕干請歷南北臺執議不阿正德初矯旨罷風采凝重為士類稱首瑾誅後始贈太子少保謚簡肅

陳善曰詩云君子如祉亂庶遄已張公一發言議撫而群盜竟死者數年德至渥也奕世而下车冠蟬連固為善之




報哉

庚寅巡撫大同右副都御史崔岩改陝西

大同平卜城災

初元年哈密忠順王陝巴卒子速檀拜牙郎嗣土魯番速檀
滿速免脩好哈密且入貢求其真帖木兒甘肅鎮巡為之請
兵部議土魯番稔惡既久今見我扞蔽拜牙郎乃早辭稱貢
其真帖木兒羈留我郊正古人質其所親愛未可即發且館
穀豐厚孱而入壯而出亦朝廷懷柔之善守臣孟先以情寔
聞得旨其熟計之仍量勞速檀滿速兒閹奄克字刺

壬辰朝罷遺匿名書御史奏之俱指瑾等罪 上目訖逆瑾
叱群臣跪奉天門詰其自太監黃璋曰彼擲此寧復立故所
乎徒枉人耳瑾欲搜諸家偉曰彼寧留草也時暑盛有暍者
刑部主事何鉞順天推官周臣俱暍死偉奮曰此書俱為民
社事慨然承之不烈丈夫哉瑾怒入命李榮監視榮起之曰
諸君憊矣小監投之瓜瑾出跪如故怒榮而人傳旨榮就間
偉徙南京日晡逮朝士三百餘人下鎮撫司市人進飯不索
直進士陸伸夜卒獄中都人洵、罷市明日瑾微聞中人所
為大學士李東陽疏救得釋



癸巳購各番善馬太監谷大用請責陝西甘涼鎮巡官鎮巡
官以馬出天方國遠不可至欲傳諭貢夷兵部尚書劉宇檄
甘肅鎮巡官遣官往

甲午大學士李東陽等請緩刑言如逃軍盜馬今戍邊而主
家隣右火甲戌近衛然罪有差等或限其自首如各官有犯
通核歷年經承職名僅一時之失而窮一二十年之遠一事
之差而累數十人之衆非惟人才難得抑情有可矜 上大
是之

乙未通政司右通政熊偉為左僉都御史巡撫大同兼贊理


軍務

丙申始授孔彥邃洙泗書院學錄彥章尼山書院學錄
前巡撫山西右僉都御史楊澄卒

七月戊戌蜀府華陽王賓鉦乞湖廣澧州魚課不許

益王祐檳以食鹽千引弘治十四年後止給三百引乞如原
額戶部言王府食鹽原不支運司始自正統間後各藩引例
歲支益萬餘引又奉乞故 先帝定例千引止支三百引難
以再更從之

己亥郁侃何沾林偉周謨張祐夏廷芝劉經朱儼曹岐薛鳳



鳴王綸賀銳雷宗平世用范高尹綸李錫為試御史楊鳳馬
溥然何沾汪景芳俱南京

總督兩廣陳金上柳慶之捷初柳州之馬平洛容徭寇數萬
官軍分四道擊斬六千六百三十餘級俘千五百餘人進金

左都御史

庚子鬻僧牒萬五千補光祿寺牲費

前廣東按察僉事方良永服闋推補河南信陽州兵備撫民
僉事瑾以弘治間添設勅致仕

己酉孔顏孟三氏學定粟六人時授納日盛三氏學生亦波

靡矣

庚戌趙弘澤嗣武靖伯

壬子諭鐘鼓司太監康能等慶成宴選用雜戲令禮部徵天
下工技百戲入京于是角抵竿木魚龍曼行之類盛行于禁
掖

癸丑南京工部右侍郎張恕卒霸州人成化辛丑進士令夏
津拜御史至今官性儉素雖久貴如未仕時家無餘貲


甲寅山陽大風雨雹如鷄卵傷人禾

戊午榮王祐樞之國常德

國權

正德三年

二十三



裁山東福建南直隸管屯兵備副使

己未提督操江南京右副都御史雍泰為南京戶部尚書不
五日勒致仕或謂其不媚中貴也

庚申劉瑾矯旨遣科道各一人核兩淮鹽引

辛酉賜慶雲侯周壽豐潤田八百七十頃初田屬榮王既之
國給壽後雍靖王妃吳氏乞田轉給定興滿城之田畿郡賜
庄小民失業

夜月犯天罇下星

癸亥夜大星青白色自閣道流至雲中

乙丑河南左布政使朱思為南京右副都御史提督操江


戶部言天下軍衛有司預備倉缺額命侍郎韓福及撫按核
先後官吏追償

庶吉士孫紹先服闋至京仍入院肄業前此服滿俱改科道
主事紹先異還翰林託同年檢討段冕言于焦芳創留之後
遂為例

始遣御史巡屯從濟州衛指揮僉事閔銳之請

陝西禮縣地震如雷

八月丙寅朔宣大禦卜功賜侍郎文貴及鎮巡官幣二羊酒一



餘各有差

戊辰命司禮左少監張淮給事中張雲御史王注戶部郎中董銳核內庫梭布八萬六千六百餘匹虧萬有九千五百餘匹中外官遣坐百七十三人逮內官張誠侍郎王儼給事中任良弼御史監章主事劉思賢等十三人奪俸尚書顧佐李鏊等五十二人餘宥之

浙江巡鹽御史王潤督課遲緩下錦衣獄杖三十削籍為令已巳左僉都御史劉燾為右副都御史給總督蘇松糧儲之章

庚子恭勤夫人李氏卒予祭塋太常寺歲享

癸酉吏部尚書許進致仕劉宇觀吏部會南京刑部郎中缺擁署員外郎主事劉吉余祐瑾謂用署職越制責進對狀進謂實授少故推署者亦故事也再責之外引咎罷奪左侍郎白鉞俸三月選司俸五月


壬子學士張芮謫鎮江同知湯沐謫武康知縣沐巡鹽御史河東牙行有互訐疑芮與沐有連陰庇之并奏得罪逮鹽運使李得仁

乙卯兵部尚書劉宇改吏部尚書

國權

正德三年

三五



辛巳立內廠瑾自領之酷烈出東而廠上盡逐市井傭汲游食之流城東千餘人持挺甘死欲刺瑾仍復之又盡嫁娶婦京師闕然而止

壬午戶部尚書文淵閣大學士楊廷和特進贈少保兼太子太保

癸未甘肅總兵都指揮僉事衛勇為右府都督僉事

甲申大學士李東陽言巡撫都御史等官總理糧儲果侵等盜自宜追償若止督治不嚴當從寬減或免官吏部覆上有旨切責云如錢鉞之擅改祿米張縉馬中錫等之不職王時

中之酷暴許進之越制選官及劉健謝遷韓文等之無知叩閣餘不能盡舉似此越律之罪不治奚為逆瑾之專恣強辨如此


乙酉夜月犯天街上星

丙戌夜月犯六諸王東第一星

傳陞錦衣衛帶俸指揮使谷奉張友都督同知

戊子兵部左侍郎曹元為兵部尚書刑部左侍郎才寬改兵部左侍郎戶部右侍郎林泮為南京戶部尚書

曹州盜趙寶等流劫詔捕之



致仕山東管屯副使李惟聰罰米五百石輸大同罷遼東游擊將軍金輔仍罰米五百石俱偽增田糧

刑部郎中陳錄陸棟負外郎徐朴下都察院獄坐稽獄久不上株及錄棟

已丑編修沈燾為侍講

追兩浙鹽運司虧課罰運使竄舉等祿三月仍逮前運使楊奇晏輅宋明梁萬鍾同知亢通趙哲羅珣鄭洪運使王迪李用文孫簡李霖判官黃昌李從輔周思禮黎馨俱去官或物故皆錄其家怨聲載路

罰前戶部尚書韓文米千石輸大同侍郎張縉半之輸宣府偶戶部失籍波罪


辛卯夜月犯軒轅右角星

癸巳戶部尚書顧佐致仕給廩役

甲午巡撫延綏右副都御史杜忠致仕

伊王妙貞邱郡主遠儀賓蔡昇：卒首髑壁死詔旌其貞烈樹坊

乙未光祿寺卿孫交為戶部右侍郎提督倉場大理寺卿張鸞為刑部右侍郎巡撫甘肅右副都御史畢亨為南京工部



右侍郎

河南府地震

九月丁酉巡撫宣府右副都御史李進坐虧餉罰粟三百石前
輸宣府

戊戌兵部尚書曹元同太監張永英國公張懋提督團營

己亥昏刻大雷電

庚子災傷免鳳陽淮安廬滁和夏稅

辛丑罰致仕右副都御史朱欽雲南按察僉事張弘宜粟各
三百石輸宣府以沔陽弓矢久不解欽嘗任湖廣布政弘宜
守沔陽失權也

壬寅禮部左侍郎周景賢為戶部尚書戶部右侍郎劉璣為
尚書右僉都御史張綸為大理寺卿


癸卯致仕南京戶部尚書雍泰少師兼太子太師吏部尚書
馬文升太子少保吏部尚書許進太子太保兵部尚書劉大
夏禮科右給事中趙士賢御史張津並削籍吏科都給事中
任良弼等廣西道御史陳順等五十六人俱罰粟輸邊各三
百石成沒者免之進子編修讚檢討誥調
初泰巡

撫宣府擅答將官奪秩後士賢津等交薦大夏覆上文升推
操江辭疾今進仍推操江推戶部尚書失詳奪秩事劉瑾夙

國權

正德三年

三



憾泰且惡進矯旨加其罪

夜月犯羅堰中星

廣東左布政使劉孟為右副都御史巡撫延綏太常少卿喬
字為光祿寺卿

故通政使強珍子汝學等與人訟被誣奏不法籍其家汝學
汝思論死


甲辰進士劉璿當補縣吏部悞擬為大理寺評事降璿蒼梧
縣丞

丁未通政使劉鼎^韓為戶部右侍郎吏部文選郎中張綵為左

僉都御史越二日失謝勒致仕

都勻長官司長官吳欽與其族土舍吳敏爭襲仇殺兵部按
欽之曾祖賴國初立功受爵後陣沒子琮幼而弟貴借襲三
世于法敏不得嗣從之

戊申致仕南京刑部尚書樊瑩前右都御史高銓及南京刑
部尚書洪鍾郎中邢珣張嶺余貴員外郎余祐左評事何正
俱削籍故隆平侯張祐弟祿與從弟禡及宗人沂漢爭質爵
互訐南法司久不決至是解京祿得白禡等遠戍罪及舊讞
已酉戶部定諸臣罰粟定勒限否則聽劾大同輸千石戶部



尚書韓文五百石韓文及侍郎張縉等九人三百石都御史
徐節宣府輸五百石員外郎吳純等十六人三百石都御史
李進等三人太倉輸三百石指揮僉事張經等四人三百石
布政周季麟等六人百石尚書侶鍾又都御史孫需等三人
布政李進等三人御史吳學等三十九人給事中李祿等十
九人郎中徐鍵等三人三十石員外郎李夢陽宣大輸三十
石給事中吉時等御史陳順等二十一人二百石給三十人
事中艾洪等五人御史王渙等十一人檢討劉瑞松潘翰二
百石都御史劉洪時瑾竊柄假此羅織取賄後允誑誤羅網

往賂瑾以免

辛亥月犯天陰南二星


壬子漕運右副都御史張縉先以揚州飢改漕二萬五千石
抵廬州所輸鳳陽謂紊法削籍

夜月犯木星

癸丑兵部尚書曹元進太子少保

禮部尚書周經告老不允

荊州王府王綬自陳捕盜功賜一級贈飛魚服綬婪虐附逆
瑾監司反畏之入覲都察院署其考曰兩司畏其脅制而考



語欺天百姓苦其誅求而怨聲動地雖得其實竟不能去又
瑾鄉人工部主事馮友端監稅荊州貪暴類緩時稱二虎
甲寅致任南京右副都御史陳壽以延緩虧餉宜償菽麥二
千三百五十三石布千五百十四匹訴負之免之

錦衣衛指揮同知余寘致仕特賜歲役月廩

乙卯太僕寺卿陳最為戶部右侍郎


撫州知府劉介為太常寺少卿介繼妻姜張綵問介我有求
能應我乎曰身以外惟命綵曰我所求新嫂也敬謝君之諾
介默不敢對少頃輿劫之又慕平陽知府張忠妾不應令御

史張禴核餉文致其罪擬戍始遣妾未減

王世貞曰屠諭德文陞嘗于史館見錄介事後使過其鄉
介七十老矣留屠飲徐問其家則結髮婦固無恙也屠猶
未信徵于其鄉人固然乃欲辨傳言之妄未果予謂國史
不應矯誣至此或介妻固無此事或新妾而又悞以為妻
未可知也

丙辰給寧王宸濠南昌河泊所

戊午錦衣衛指揮僉事谷大亮等二十人乞往兩廣勦寇自
効許大亮等九人仍禁後請時權倖子弟借報效竄身邊鎮



冒功賞或一日數處斬獲寔未嘗上陣也其得請或否則視
權賂為軒輊雖有此禁律竇如故

已未夜大風雷

庚申外戚錦衣百戶張俊傳復指揮僉事


辛酉逮前兵部尚書劉大夏南京刑部尚書潘蕃伏羗伯毛
銳下獄初田州知州岑猛降福建平海衛千戶不行改流官
知府謝湖懼猛未至及至則猛復據田州逮湖詔獄湖訟猛
之叛由鎮守太監韋經總兵毛銳巡撫潘蕃也經又訟巡撫
劉大夏致之大夏方鉏采即就捕獄上大夏蕃永成肅州銳

奪太子太傅裁祿五百石經閒住湖削籍猛改田州府同知
視事大夏本兵時請汰勇士近倖惑甚故瑾曰猛陷之大夏
道汴有司欲賂瑾辭曰此寧能飲彼意第舉殘骸付之耳時
年七十三日短衣候將領門下人服其度

癸亥延綏慶陽大水賑之應天廬鳳淮揚早應天等命吏部
左侍郎王瓊賑之

十月丁卯遣給事中御史十人覈各邊芻粟馬匹仍卒邏卒密
察自是陷及亡辜矣

辛未徵整理湖廣糧儲戶部左侍郎韓福命南京工部右侍



郎畢亨兼右僉都御史代福賑湖廣河南汝寧

癸酉錦衣衛帶俸指揮使劉俸自薦才略夸甚令蒞南鎮撫

司事 劉字之子

閔南京災停各項工作

甲戌張欽嗣彭城伯 張信之子

乙亥裁遵化縣丞

丙子禮部尚書周經乞休并令南京戶部尚書林泮致仕給廩役泮視經之半

戶部遣主事李緋淮安收糧請乘請傳不許責尚書劉璣等

妄引事例禁其後

丁丑歲給蜀世子讓棚本色米三千石不為例


給事中何紹正盧綸李陽春吳玉榮薛金胡洪張賢林文迪等核大同宣府遼東甘肅等糧儲馬匹貴州令巡按御史兼理之

夷人兀弩骨赤等二十一人來降本山西人被掠屬脫羅千

部下乘下自仇殺得逃各賜金尋授兀弩骨赤錦衣衛副千

戶伯牙思忽為頭目伯免合等十二人充監馬監勇士 御 故事 歸義

夷人皆安置兩廣



己卯吏部右侍郎白鉞為禮部尚書左都御史陳金改南京
戶部尚書南京右都御史張泰改戶部尚書致仕

卯刻金星晝見

癸未夜月犯天罇下星

甲申韓府通渭王偕沅薨謚恭裕

丙戌戶部左侍郎吳文度為南京右都御史左僉都御史張
綵為吏部左侍郎通政使王敞為兵部右侍郎仍署通政司
事右副都御史劉洪為右都御史總督兩廣軍務兼理巡撫
曉刻金星犯亢宿南第一星

丁亥婺源朱熹以朱熹十代孫求復其家從之

己丑王昂金賢熊紀李學曾葉相葉良周金安金呂經朱璣
為給事中良南京戶科

庚寅己刻南方有星自中天流至東南近濁

辛卯整理兩浙益法兼右副都御史張憲回院

壬辰盛鵬甯溥張璪繆約高嶼顧英危行張芹李緯王

張

九峰汪賜江萬貫杜昌縻潘銳周奎並為試御史


癸巳錦衣衛都指揮同知高得林兼提督巡捕

寧夏地震

國權

正德三年

三十四



甲午侍講王瓚為司業

十一月乙未朔應天賑濟侍郎王瓊并賑廬鳳淮揚

蔚州地震

前江西提學僉事黃仲昭卒莆田人成化丙戌進士授編脩
言事降湘潭令尋內除南京大理寺評事進寺副歷督學致
仕年七十四所著木軒集十四卷

丙申夜大霧

謫禮科給事中曹大顯浙江布政使照磨貴州道御史劉金
桃源縣丞俱核餉忤逆瑾下獄杖二十

丁酉張祿嗣隆平侯

張祐之從弟


戊戌秦府奉國將軍秉檠嗣永興王

己亥有星自井宿東北流至軒轅

臨海縣火

庚子吏科給事中何紹正戶科給事中盧綸頒歷導駕失儀
被糾各下獄杖二十調紹正海州判官

辛丑核遼東倉庫罰先後都御史王宗彞陳璠張韓重郎中
王濟叅政繆昌寧舉劉緝各粟千石御史王獻臣胡瓚給事
中吳舜侍郎張縉熊繡王佐郎中羅榮陳大章居達楊志學



兵部尚書馬文升戶部尚書侶鍾顧佐各五百石輸宣大給
事中白思誠御史儲珊以重劾加俸一級士論鄙之

癸卯撤馬兒罕國王沙亦兒等入貢

前南京戶部尚書鄭紀卒仙游人天順庚辰進士授檢討

憲宗初上十二策疾免逾二十年補官遷浙江提學副使弘
治初拜祭酒疏諫齋醮踰年改南左通政歷南太常卿戶部
侍郎至今官自負用世之學家食雖久同年劉健深知之卒
躋八座則才自足致之也

甲辰順天府尹胡汝礪為戶部左侍郎

衛輝地震


丁未巡撫延綏右副都御史杜忠卒

戊申夜月犯六諸王東第三星

前工部左侍郎潘禮卒歸德人天順庚辰進士廉潔知名正
德丙寅年八十一詔月粟三石嘗鄉居寇至無長物禮曰有
酒可飲寇諾飲而去

己酉禮部左侍郎謝鐸致仕鐸恬退弘治間移疾至是年七
十五

夜月犯井宿鉞星



丙辰兵科給事中周鑰使淮安還自刎舟中凡使還俱賂瑾
淮安知府趙俊許貸鑰千金而負之遂憤死逮俊論罪巡按
御史趙時中不以聞削籍
戊午編脩吳一鵬為侍講
工部尚書李鑑致仕
己未福建按察副使張壘誣構泉州同知丁茂賍罪且戍茂
訴得釋壘論死
辛酉南京右都御史吳文度為戶部尚書并南京戶部右侍
郎王珩致仕時吏部推文度珩補工部尚書

保國公朱暉被劾辭營務

癸亥巡撫寧夏右僉都御史王一言卒


前南京刑部尚書樊瑩卒字廷璧常山人天順甲申進士授
行人擢御史歷守松江平陽至今官誠懇簡易宦名甚著年
七十五逆瑾誅始贈太子少保謚清簡

十二月甲子朔 上視郊牲

丙寅南京刑部尚書洪鍾改工部尚書右都御史張憲改北

丁卯泰寧三衛入貢許市牛隻田器

戊辰給哈密忠順王速檀拜牙郎粟五百石



己巳巡撫宣府右僉都御史郭璋為南京戶部右侍郎

庚午工部左侍郎吳洪為南京刑部尚書

庚吉士安磐改吏科給事中

惠安伯張偉提督團營

太保長寧伯周或卒

辛未燬南京戶部監引銅版改隸戶部從巡監御史宇文鍾

之請戶部執奏如舊不聽後瑾誅復之

滿刺加國入貢


巡撫湖廣都御史張子麟改提督南京糧儲時推張子麟儲

瑾補戶部既用瑾責子麟不務公事再有過定加謫治人莫能測瑾意也

逮長蘆巡監御史秦禎下詔獄瑾初厚望巡監御史賂禎空手見瑾怒下之獄猶日望其賂來也久之不至竟矯詔杖三十以戍肅州坐掠重卒禎字賓賢弘治己未進士


李夢陽曰予往在詔獄見君為涕泣念母今母存而君則亡亡于非命論頗疑為善而不報夫孟子不云天壽不者
二終身以俟之誠若云則顏回之倫非哉



慶成王奉國將軍表標先聘典仗所餘丁田林女適祖喪府




至是服滿請婚以舊禁本府軍校家選婚不許
卒卯旌西河王府鎮國將軍鍾銘子奇洋孝行
壬辰災傷罷京城


國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.









國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.




Inches 1 2 3 4 5 6 7 8
Centimetres 1 2 3 4 5 6 7 8


TIFFEN Color Control Patches
© The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]




國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.




TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black



國家圖書館, NATIONAL CENTRAL LIBRARY, TAIWAN, R.O.C.




TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

3393412 v. 29

國家圖書館, NATIONAL CENTRAL LIBRARY, TAIWAN, R.O.C.





國權

正德四年己巳

正月戊戌金吾左衛百戶王鳳翟勇侯良李經陳能周海李宣
瑞為試百戶放月餉違期調邊衛

辛丑廣西左布政使王綸為右副都御史巡撫湖廣督理軍
務時推南京光祿寺卿熊祿令致仕

湖廣左布政使邵寶為右副都御史總督漕運



陝西禮縣地震

國權 正德四年

監官設遷孺木著



國家圖書館, NATIONAL CENTRAL LIBRARY, TAIWAN, R.O.C.



甲辰劉瑾于陝西興平馬嵬鎮立義勇武安王廟賜額忠義
瑾作玄明宮于朝陽門外費鉅萬

故巡撫寧夏右僉都御史劉憲罰粟五百石陝西右副都御
史楊一清苑馬寺卿車寔各罰三百石

己酉 憲廟廢后吳氏薨劉瑾欲焚其骸大學士李東陽王
鏊等言漢成帝廢后許氏葬延陵交道廐西光武廢后郭氏
葬北邙山凡廢后史書葬無廢人禮廢后吳氏 憲宗皇帝
詔云別宮開住累朝以來供奉優厚今禮不可闕遂視 英
廟惠妃故事祭用素羞于墓

曉刻金星犯建東三星

庚戌應天府丞李堂為南京光祿寺卿


日暈有左右珥青黃色

壬子調廣西武岡戍兵千一百人于永州禦苗寇

癸丑刑部尚書王鑑之致仕給廩役

乙卯南京吏部右侍郎王瓊改南京戶部右侍郎令南京通
政使程文致仕文前大學士劉健婿時文被推瑾去之

丙辰工部尚書洪鍾改刑部尚書兵部左侍郎才寬為工部
尚書



曉刻月犯房宿北二星

晉府義寧王表觀薨謚僖裕

旌魯府鎮國將軍當漢及子健 孝行樹世孝坊

戊午大理寺少卿李春削籍春使福建娶妾又私多賈東廠
糾之仍罰粟五百石

己未戶部左侍郎胡汝礪改兵部左侍郎

夜有星自北斗魁東流至七公後五小星隨之

庚申遣給事中張禴段豸胡珣王翊御史房瀛沙鵬改戶部

署郎中胡文璧張諾馮顯刑部郎中朱鑿張鑰劉祥陸棟兵

部員外郎屠奎為御史核京省稅初瑾親官賂逆瑾每省至二

萬緡多貸于京還割庫金償之瑾不自安其黨張綵計核賦

可掩也于是各官又掎克克庫天下騷矣然


賑丹陽金壇飢民

復連山縣舊治

御史歐陽雲工科給事中吳儀削籍雲儀使陝回例賂瑾造
瑾矯名不受以貪黜之

辛酉籍故右都御史錢鉞家初崇王祿萬石例粳千石粟副

九千石弘治間鉞撫河南遽以土粳四千石代粟至是崇王



請給觸瑾怒責紊制籍其家承奉唐名長史雷顛等各罰千石鉞家杭州且卒子應禎應祥應祺應福應禧應祿及妻子分戍肅州固原莊浪等衛遇赦不原鉞之改粟為粳定曰民使而瑾以焦芳計欲籍江南巨室一敝簾內置衣飾一二輒責富人倍納杭人苦之勅戒榮王益敦敬慎永保祿位時就途擾故

二月甲子增夜巡紅鋪指揮二員舊止三員

陝西道御史林琦擬讞失當調樂昌知縣

丁卯曹倣涂敬許鳳張璿顏正張縉李元俞緇童寬胡正為

御史

戊辰申飭武學舊例

己巳琉球國入貢

庚午刑部吏董遜之告郎中周滌負外郎虞岳主事嚴承範章文韜擅易贖物俱除名陞遜之司務司務例貢士高等序郎中上非掾選也時無見闕調各衙門


壬申太傅慶雲侯周壽卒壽 孝肅太皇太后之弟性謹厚不妄通賓客年六十八贈宣國公諡恭和

甲戌傳陞指揮錦衣衛高得林後府都督同知帶俸

國權

正德四年

四



山東逋盜王紹吉等伏誅

丙子命藩府永年王

孫徹補王府事

停南京征科罷工役

己卯宣府龍王衛地震

庚辰命錦衣衛正千戶石文義理刑從都指揮楊玉之請

辛巳應天府尹黃寶為右副都御史巡撫陝西令乘傳至

京領勅巡撫不自領勅瑾邀賂創之


中旨錦衣衛指揮僉事劉璋同楊玉辦事

甲申朵顏等衛都督花當貢馬駝膺犬乞賞駐關外禮部議

不時貢卻之 上受貢馳賜其賞

許南京湖廣河南陝西浙江贖罪粟一石准收雜糧一石五斗賑飢

丙戌前大學士劉健謝遷削籍先是舉懷才抱德之士餘姚周禮徐子元龍許上虞徐文彪預名屢求用逆瑾憾健遷矯旨謂餘姚隱士之多必徇私援引下禮等鎮撫司獄且株及健遷瑾欲坐逮籍其家李東陽力解焦芳曰雖輕亦當除名禮等成邊布政使林符邵寶李贊叅政伍符叅議尚衛馬輅紹興知府劉麟各罰三百石推官諶聰知縣汪度免官著令



餘姚人毋選京秩

丁亥刑科給事中沈炤先按事失當下獄當復秩中旨謫湖廣布政使照磨

戊子勒山西右布政使姜洪致任時推福建左布政中旨洪既年六十六遂用湖廣右布政使陳良器

給玄明宮猫竹殿地殿年久無考軍民宅墓數千家皆他徒暴骸冤慘

左府都督同知莊鑑卒鑑知兵勤慎小心累立功已丑禁罷官留京

南京禮部尚書江濶卒仁和人成化戊戌進士授編修歷侍講侍讀學士吏部左右侍郎孝友謹厚子曉暉俱進士

庚寅周塘嗣長壽伯

辛卯大理寺右少卿顏頤壽清理延綏屯田

魯府鄒平王陽鏞薨謚恭懿


史賓襲錦衣百戶 憲廟保母莊靖夫人之孫祖玉傳陞百戶端代之至是賓求襲兵部以非軍功格之有旨毋保恩三世而止著為令

三月癸巳朔禮科給事中薛金御史宋璉核大同邊費初侍郎

國權

正德四年

六



文貴脩邊支費五十餘萬瑾受賂寔護之

甲午免南京錦衣等衛屯租

乙未廣西布政使左叅議林璿為湖廣左叅政時并推山西叅議倪天民命天民去天字且禁其餘俱改之

哈密衛使臣忽散木丁谷勒母罕默各訴通事王永索六十餘金時永侍豹房怙寵禮部不敢斥其罪置勿問弟贖之

罷廣東市舶司太監熊宣回南京內官監太監畢真代之

己亥昏刻月犯天陰南第二星夜月犯井宿北第二星

庚子盖州衛地震

壬辰裁廣西太平府通判知事檢校


癸卯辰刻雨雹及霰良久止

甲子制勅房太常寺少卿劉滂罷禁房察降黜者住京

江西按察使陸完試右僉都御史巡撫宣府完陞秩踰三月入京瑾劾抑之

乙丑工部尚書才寬兼右都御史摠制延綏寧夏甘肅軍務兵部左侍郎兼左副都御史文貴摠制大同宣府軍務初西陲失事議設大臣節制鎮巡以下

丙寅禮部左侍郎陸滌為南京禮部尚書南京吏部右侍郎



李旻代潔明日復改旻南京左侍郎

山西按察副使王鴻儒為祭酒劉瑾採時望拔之

丁卯叙柳慶功賜摠督右都御史陳金玉帶

辛未禮部右侍郎費宏為左侍郎太常寺少卿靳貴為右侍郎兼侍讀

逮高人戴克明貸前禮部左侍郎黃景而成肅州上高人戴克明與景有夙隙誣奏景龍袍不法遂遣印綬左少監李宣刑部左侍郎張鸞錦衣都指揮同知趙良勣之逮繫數百人俱失寔惟石坊雕畫龍鳳并鑄及黃府字坐犯分籍其家成

景于肅州其餘五十八人戍邊前江西叅政王綸巡按御史

臧鳳及守令各罰粟五百石克明亦戍邊

肅州衛西山天鼓鳴


甲戌巡撫延綏右副都御史劉益久不領勅被劾一云益至

綏德微回失謝劉瑾托以赴任緩期下錦衣獄

免鎮守大同太監侯能以下入殺掠并責摠制文貴

乙亥大學士王鏊致仕

馮時可曰當瑾初發難六卿仗義攻之韓司徒為嚆矢公以身幾焉及司徒斥二閣臣繼謝公以人望特簡士戴為



標國倚為柱而公森如昂如松拔灌莽如鶴立雞群外
不示同異內有以陰折其萌亦殫厥心矣及瑾益肆橫流
滔天下不可隄塞公遂介于石不終日以幸進如懸曜退
如收雲乃其委蛇恬穆略無居名競勝抑何深至乃爾昔
人謂淡泊明志寧靜致遠公所以通神明鏡始末提緯字
宙節立名全豈非冰心玉壺為君子哉

丙子中旨御馬監太監梁玉鎮守大同

丁丑萬全都司紫溝堡地震

西安後衛指揮同知朱贊等以先年卜入失守戍利州衛


戊寅大理寺左寺丞竇杲謫潛山知縣杲初御史嚮監兩淮
已停嚮未具奏遽任

已卯給事中李淳御史仇惠挾延綏寧夏歲費罰右都御史
楊一清僉事尚繻慶府長史劉養浩梁溥粟各三百石致仕
戶部尚書顧佐佾鍾郎中徐鍵石昭各半之時科道望旨奏
劾方橫噬為能不屬饜不止

板冊襲罕東衛都指揮使

當卜兇加之子

辛巳許編脩李時歸省初請假詰吏部例安出以成化末詔
六年歸省對



大徵樂工入京時教坊得幸請禮部檄天下上技于是乘傳
續食者數百人

壬午 孝宗敬皇帝實錄成焦芳在弘治間覲進失望至是
脩郊如葉盛何喬新彭韶謝遷皆肆詆誣同官李東陽等不
敢矯異故上表是曰是非曰非豈敢專于獨見疑傳疑信傳
信庶以備于將來

丙戌鞏昌固原秦岷寧夏中衛地震

丁亥增環慶分巡副使

監察御史趙時中巡按直隸阮吉巡按陝西還少舉劾下錦


衣獄

己丑暫停鑄錢

辛卯 寇大同威寧海及左衛

前巡撫貴州右副都御史張廉卒歸安人成化丙戌進士
南京吏部左侍郎李旻卒錢塘人成化甲辰進士第一授脩
撰濶達個儻不甚拘繩人多忌之

五月壬辰朔罷巡撫大同左僉都御史熊偉中旨改總制宣大
兵部右侍郎兼右副都御史文貴右都御史巡撫大同罷總
制不設



戊戌命吏部擬纂脩實錄官陞職等第且謂先年劉健等脩會典糜費草其陞職仍令李東陽等覆定于是降李東陽支從一品俸梁儲為右侍郎楊廷和白鉞支從二品俸靳貴為光祿寺卿左諭德傅珪侍讀朱希周俱脩撰左諭德毛紀降侍讀五經博士潘辰仍典簿光祿寺卿周文通降禮部郎中吏部郎中沈冬魁降員外郎前學士調鎮江同知降雨浙鹽運副使守制尚書劉機降從二品左庶子毛澄降侍讀侍讀顧清降編脩致仕侍郎楊守陞降一級南吏部尚書王華降右侍郎劉瑾意抑儒臣又焦芳以東陽軋已導瑾裁之


潘府臨川王詮銖薨謚榮懿

戊申汝王佑棖乞榮澤河陰沁水退灘地六百二頃有奇上特許之

庚戌江西浙江布右政使林廷選安惟學為浙江陝西左布政使附批翰林編脩董玘謫安成知縣焦芳譖于瑾以玘如謝遷也

辛亥南京太常少卿羅玘為寺卿附陞李貢為右副都御史巡撫遼東勒劉瓛致仕故事撫臣廷推令中旨何也

壬子纂脩官侍讀毛紀為侍講學士侍講曹鼎熙為右諭德脩



撰傅珪為左中允朱希周為侍讀顧鼎臣為侍講編脩滕霄
傳壙為脩撰典籍潘辰還五經博士改董玘刑部主事以玘
如謝遷也

中旨錦衣北鎮撫司正千戶文義為指揮僉事

癸丑琉球國入貢

甲寅罷廣西布政使右叅政楊茂元

乙卯安南入貢

丁巳巡按山東御史吳節_欣代斂金餽劉瑾至是御史張禮
發之逮節戍肅州山東右布政使張吉僉事毛廣鏐二秩侯

直削籍

戊午巡撫寧夏右僉都御史曲銳為南京禮部右侍郎

庚申制勅房河南右叅議周文通為太常寺少卿以叅議外

官無牙牌奏改先是叅議銜朝叅牌仍五品京職


署欽天監太常寺卿吳_昊卒臨川人天文生居官盡秩直言

有清操予祭葬

六月辛酉朔改曲銳右副都御史仍巡撫寧夏湖廣左布政使

王綸為南京禮部右侍郎

壬戌江西道御史阮吉巡撫陝西舉劾失當謫成安知縣



甲子蘇松常鎮大飢緩其征

乙丑錫真人劉良輔祭壘

丙寅尹梅韓荆萬英田汝籽黃質閻欽石柱陳鼎劉洙潘垣

賴鳳為給事中己吏科都給事中李憲言進士朱練宜試職

一年于是柱欽洙垣鳳俱試給事中憲附瑾凌人稱六科都

給事中

限郡王校尉二十人舊三十人藩府定陶王初封僅十人詔

倍給之

丙子內官監太監楊鎮使南京私益降奉御

丁丑鳳陽高墻少監金奉同南京戶部主事收糧非制也從

守備太監黃準之請

己卯周瑛嗣慶雲侯 周壽之子

械故右副都御史劉益于吏部門以吏部救解罰粟三百石


輸居庸關削籍

庚辰學士石瑄為南京祭酒五經博士潘辰為編修

壬午罷備候補兵備僉事李晟舉進士成化末任都察院

經歷好設兵製戰車皆勿效至是奏陣法隅落鈎連可省兵

食而不言其繇又歷叙淹狀上春秋安攘六論古今經略一



覽俱大言無實放歸晟初稱造木牛流馬又請鑄甲成試
馬上數步而仆

癸未奪近年布政司管糧官勅

乙酉夜月犯天街上星

丙戌罷總督蘇松等糧儲都御史羅鑿不設事歸御史

丁亥追罰前尚書樊瑩彭韶佶鍾侍郎王克復劉璟粟五百

石尚書何鑑侍郎魏紳都御史艾璞御史饒塘右布政劉琬

同知湯毓各七百石初松江匹布准米二石成化二十年巡

撫王恕同知府瑩節其米減五之一其後詔等遞減布愈下

故得罪

巡撫寧夏右副都御史曲銳失事免

戊子吏部尚書劉宇兼文淵閣大學士宇粗厲自總制賂瑾

入內臺好捷御史轉兵部恣賄及吏部不自得也瑾並欲拔

侍郎張綵故相宇初入直瑾往賀明日猶入直瑾曰此地豈

容彼入哉遂不至踰歲引去時以焦芳流毒曹元尸位宇視

彼差勝矣


庚寅吏部左侍郎張綵為尚書自文選郎中躡進不及歲

巡撫宣府右僉都御史馬炳然改撫寧夏尋進右副都御史

國權

正德四年

十四



按察使楊綸為左僉都御史巡撫宣府

七月辛卯朔前府署都督僉事李璵充副總兵分守遼陽

金縣天鼓鳴

甲午襄城伯李鄜卒碌庸流太監晚婚魏彬之弟英多醜名

乙未雷震周府門柱傷人

南京工科給事中殷雲霄卒字近天壽光人弘治乙未進士官靖江青田等令進工科年三十七性方峭所著石川集

丙申吏部右侍郎為左侍郎戶部右侍郎孫交改吏部柴昇

丁酉右春坊右諭德豐熙署南京翰林院事吏部擬陞學士

劉瑾久外熙僅故銜往

浙西旱是日大雨暴至十月不至止腐民稼大飢


趙府輔國將軍祐棕言宗藩輔導非人向用科貢近年多監生舍人衰憊者乞嚴其選詔從之

荆王厚埈請左長史施魯加四品紀善陳錦加長史以越制

魯削籍錦致仕仍戒諭宗室

隆平侯張祿使益王府道中卒

前南京戶部尚書張泰卒順德人成化丙戌進士知沙縣撫



安寧孽拜御史歷今官清慎一節

壬寅御史劉尚義巡順天保定駐天津甯杲巡真定廣平駐
真定薛鳳鳴巡應天淮揚駐高郵潘銳巡蘇松徽寧駐蘇州
俱捕盜兼督屯田

乙巳令朝士母携疾里

戊申武定侯郭勛為後府僉事

前文華殿禮部尚書張駿卒華亭人貢士善書除中書舍人
供奉文華殿歷今官

庚戌四川道劉烈等流掠漢中眾二千餘人

癸丑刑部左侍郎張鸞免印綬少監李宣降南京奉御錦衣

都指揮同知趙良降南京百戶鸞等勘事江西還賂劉瑾

方刷其污罪之輸金內庫罷守太監姚舉罰右副都御史

林俊等各粟三百石

前南京工部尚書李孟暘卒孟暘睢人弟孟暄同成化壬辰

進士授給事中敢事以敦謹聞孟暄終陝西按察使

乙卯征下前將軍鎮守遼東總兵官左都督毛倫改湖廣分


守遼陽署都督僉事李璵總兵鎮守遼東

丙辰鄭王祐擇請祿命旁支襲封止歲給五千石

國權

正德四年

十六



丁巳中旨刑部右侍郎劉璟為左侍郎提督南京糧儲右副
都御史張子麟代璟太僕寺卿屈直代子麟

戊午劉瑾言校尉偵江西左布政使馬龍貪濫僉事阮賓輕
浮命龍削籍賓免官


庚申檢討焦黃中庶吉士邵銳黃芳劉仁為編修紹先為檢
討紹先弘治十八年庶吉士服闋故事庶常三年始授職黃
中仁藉父勢驟進

八月辛酉朔中旨傳陞錦衣衛冠帶舍人王聰百戶聰簡乞即
批簡上下兵部

詔度各邊屯田戶部左侍郎韓福往遼東苛甚義錦等州軍
亂尋撫定之

壬戌處士沈周卒字啟南長洲人博學喜為詩雖以畫名其
潛德非人所及所著石田稿客座新聞等書年八十三
癸亥傳陞大隆善護國寺國師著肖藏卜為法王刺麻羅竹
班卓班丹端竹卓羅竹朵而只堅叅俱為左覺義道錄司左
正一栢尚寬為真人

鎮守陝西署都督僉事曹雄進都督同知總兵給鎮西將軍
印別鑄靖江將軍印給鎮守延綏吳江



甲子瑾報江西新建主簿徐環廉能宜擢瑾蓋寄腹邏校偵
時有舉刺示公竇攬權也

前御史楊萬成肅州赦歸萬壽州萬兄槃脅州人王濡賂萬
不知也濡訐萬稱都主侵官地作觀星樓盜陵木命給事中
安磐錦衣千戶郝凱勘之濡失實反坐仍詐辨遂坐萬援赦
自脫杖五十仍成肅濡磐成遠東磐凱失出下獄久之釋直
臣寬成晚又罹文網哀哉

丁卯巡撫大同右副都御史文貴劾免

戊辰定翰林院官學士一侍讀侍講學士各一侍讀二侍講

脩撰五編脩八檢討四

己巳懷寧侯應爵提督上林工程

哈密衛火者馬黑木襲都指揮僉事馬黑麻赤兒米即之子

甲戌南京禮侍右侍郎王綸為左副都御史巡撫大同


乙亥旱災免同州朝邑等田租

戊寅應天府尹常麟為南京禮部右侍郎

入宣府

柳州知府劉璉迎上官于木康崖值盜死

壬午南京大理寺卿胡富為南京戶部右侍郎



甲申江西左布政使周宏為應天府尹

丙戌浙江左布政使林廷選為南京大理寺卿

夜大星見山東益都臨淄樂安等縣又紅光如虹天鼓鳴

是月鄂縣渭南嘉禾生

九月壬辰巡按山西御史馬昊嘗薦平陽知府張忠已忠侵帑

成肅州吳遷山東僉事調外

土魯番速檀滿速兒求還其弟真帖木兒命居之甘州

己亥庶吉士安邦為吏科給事中

左副都御史韓福免

癸卯徙吏部黃籍于內府千步廊議出尚書張綵于是成籍
多湮

乙巳湖廣布政司右叅政張翼為右僉都御史巡撫甘肅

逮磁州知州白輔下獄削籍仍罰粟三百石


孔承夏為曲阜知縣初授孔公統被許免許者承章承周尋

戍海南于是勅行聖公聞韶約束宗人

兩廣江西湖廣四川陝西多盜許各鎮巡諭盜自首擒捕

丁未夜月犯天街南星

己酉侍講學士毛紀為學士左中允傅珪為侍講學士



夜月犯六諸王東二星

貴州總兵懷柔伯施瓚廣西副總兵張勇俱劾免

前南京戶部右侍郎王珩卒趙州人成化乙未進士授工科

給事中歷官三十餘年雖方嚴不能宏豎

辛亥後府都督同知郭鉉卒合肥人世指揮使鎮廣西總漕

淮安績為著

甲寅南和伯方壽祥總兵鎮守貴州永順伯薛勛南京操江

署都督僉事張文淵副總兵鎮守廣西

丙辰戶部右侍郎儲瓘為左侍郎光祿寺卿喬宇為戶部右

侍郎

丁巳吏部推劉遜廣東瓊州兵備副使不許初遜被劾謫澧

判官州又沮岷岷府謫四川行都司都事後薦歷湖廣副使

裁去至是勒致仕

寧夏地震

戊午階州地震如雷

己未大理寺少卿楊潭為光祿寺卿


提督四夷館太常少卿李遜學兼侍講

閏九月辛酉前府署都督同知馬澄總兵鎮守薊州

國權

正德四年

二十



壬戌察罷雲南僉事劉用中曲靖知府林堪普安知州朱易
時邏校四出官吏少失其意輒詆瑾多從之

誣

丙子諭吏科都給事中李憲等近來徇情曠職今後遇重事
宜即行糾舉毋蹈故轍蓋以科道畏瑾鉗忌欲藉耳目令承
望彈劾


南京戶部主事張鍵檀宿察院乘傳逮下獄謫衛輝通判
丁丑兵部主事徐子熙為光祿寺少卿直文華殿凡供奉內
殿俱雜流技藝時某上瑾詩干進遂令吏部選進士子熙甘
就試縉紳鄙之

劉瑾奏益法一免征天下戶口食益銀鈔一巡益御史親掣
一禁私販夾帶一裁虛引詔從之獨戶口食益如故

戊寅卜入大同圍山墩

癸未大同副總兵都指揮同知馬昂為署都督僉事總兵官
鎮守延綏

甲申卜伏延綏塞外輕騎抵新興堡誘副總兵侯勛出圍之
叅將周誠試指揮岳瀛援之亦被圍尋解斬九十餘級我兵
失亡亦相當喪馬至二千七百餘匹已卜入掠圍總兵吳江
于龍州城叅將王勛救免搃制才寬等以捷聞勅勞之



丁亥吏部尚書屠滸致仕

錦衣指揮使馬釗以擒盜功進都指揮同知

署都督僉事楊敬為叅將都指揮同知許泰為游擊將軍率
五千人備下薊州

十月己丑朔巡撫寧夏右僉都御史徐以貞遣塔上捷被劾下

錦衣獄削籍

南京戶部尚書陳金改左都御史

癸巳山西按察使黃珂為右僉都御史巡撫延綏

英國公張懋辭團營仍提督五軍營

中旨分守龍門都知監太監孟山鎮守延綏都知監右監丞

馬順代山奉御薛深堯神機營左掖二司

甲子南京禮部尚書張潔改南京戶部尚書

丁酉順天府丞楊孟瑛仍杭州知府初孟瑛守杭濬西湖至


至是御史胡文璧劾其妄費吏部議畢具工遂遣之

薊州分守太監高永失事免

戊戌南京兵部右侍郎孫需為南京禮部尚書

懷寧侯孫應爵兼提督團營

辛丑中旨都知監右少監郭奉分守燕河營劉家口奉御袁



海筦神机營左哨頭司

壬寅增宣府游擊將軍白春

癸卯前順天府尹呂獻為南京兵部右侍郎南京提督糧儲

右副都御史屈直改南京大理寺卿

巡撫湖廣右副都御史王綸以武昌漢陽飢勸賑勒石罪其

靳者部議勸賑不得行于窮州下邑適滋其擾 上是之

伏羗伯毛銳提督漕運

夜月食

甲辰吏部復議藩戚不任京職之例

丁未涼州右副總兵都指揮僉事姜漢為征西將軍署都督

僉事鎮兵鎮守寧夏

戊申南京太僕寺卿夏昂為右副都御史總督南京糧儲

張元雷蕭海張宏王度李璣王潮蔡澄解冕李如圭為御史

魯府高密王當湄薨謚康穆

華陰地震

己酉吏部推河南按察僉事徐繼補陝西布政司右叅議從

之附陞魏訥右僉都御史代劉挺中外莫能測也

廣東按察僉事吳廷舉劾岷府使人陳鶴貪淫之罪下鶴等

